



BERITA FSSA

Fakulti Sains dan Sumber Alam



Artikel oleh: HARTINIE MARBAWI

Lawatan Li Zon Limbang - Miri - Bintulu Semester 2 2013/2014

Pada 15-19 September 2014, penilaian LI telah dilakukan bagi para pelajar yang menjalani LI di zon Limbang, Miri dan Bintulu. Pencapaian seramai 19 pelajar di 13 organisasi kerajaan dan swasta telah di nilai berdasarkan temuramah bersama para penyelia industri dan juga pelajar sendiri. Pihak industri dari kebanyakan organisasi seperti Jabatan Kerja Raya Miri, Lambir Water Treatment, Curtin University, Geospec Sdn. Bhd, Bintulu telah memberi komen yang positif terhadap kemampuan pelajar FSSA untuk menjalankan tugas dengan baik serta kualiti kerja yang memuaskan, berdisiplin serta mempunyai kemahiran komunikasi yang baik dan bijak bergaul di tempat kerja. Namun begitu, terdapat juga beberapa komen membina yang diberikan seperti sikap kurang bertanya dan enggan mencuba para pelatih yang telah membataskan mereka untuk menambahkan pengetahuan dan mendapatkan kemahiran baharu di tempat kerja. Bagi pelajar pula, terdapat pelajar yang tidak dapat menggunakan kemahiran praktikal mereka kerana ditempatkan di jabatan yang cuma menjalankan aktiviti penguatkuasaan dan tidak melibatkan analisis makmal. Terima kasih diucapkan kepada para penyelia industri dan pelajar yang telah memberikan kerjasama yang amat baik sepanjang penilaian dijalankan.

